

楊文恪公文集

蘇文恪公文集卷下

序

綴筭舉例序

予作綴筭舉例蓋舉郭元二家法擇而錄之其間猶有未明者則附以管窺之見也曰綴筭者用祖冲之名書之意曰舉例者就中推筭一二以爲之準則也嗚呼郭所及三分元所及九分其一則予之是編欲補焉者而不知果如何也然郭之三分經也元之九分有經有傳也予之一分則經傳之注脚也

星畧序

予嘗讀經書言星象如堯典日中星鳥詩維參與昴論語北辰居所月令日在營室以及史書災祥守心之類以爲是亦儒者所當究知者暇日因取經史諸書所載星宿手自錄之分爲經星緯星中星三類名曰星畧鄭樵氏謂飛元子不言休咎是深知天文者也予雖不能深知天文則亦不言休咎但恐舛訛特甚覽者幸爲正焉

選注白沙詩序

康於白沙詩有選且注者有選之而不注者非
不注也有不必注者有不能注者不必注而選
之猶可也不能注而選之何居蓋迂僻之性徒
知好之而其有餘不盡之妙殆未易以著語故
雖不能注抑豈可緣此而廢吾選哉是則不注
可也不選不可也詩古近体百八首因著其說
于端

戴給事奏議序

戴君寶之在諫垣凡欲有所言及既言之後卒
未嘗以語人予嘗謂其於易得臣不密之戒君

歷官將八載當轉秩矣一日以所錄前後章疏
示予曰為我序之將以藏之於家焉耳予始得
而盡讀之其間有人之所不能言者有人之所
不敢言者嗚呼士之學識超邁而於事体無所
不通於是乎能言人之所不能者矣志慮忠純
而於禍福有所不計於是乎敢言人之所不敢
者矣為言官者必至於斯乃為克舉其職而
國家始有所賴焉若是者非於戴君見之乎君
博綜群籍文章俊健務希古作者持其身如水
玉尤砥礪名節其所論列扶陽抑陰此其關係

之者至於格心養德其達白中之最為知所
本者哉君婺源舊族以進士選庶吉士授今官
號狝峯

古淡先生餘力集序

文章非學力非性能而篤好之弗克工也公卿
大夫達而在位得時行道方之山林之士竊居
杜門專務於此者不類如是而克工焉非性之
尤能而尤篤好之不至也秋官郎中李君充節
以其尊公古澹家宰先生所為詩文名餘力集
者視廉受而讀之作而嘆曰文宗昌黎河東賦

若詩規摹騷選盛唐要皆明白而峻潔從橫逆
順信乎授之所向無不如意者也蓋先生以雄
渾剛大之氣豪邁卓偉之才窮探博取之力故
其發於筆下者如此然先生甫壯登甲科筮仕
內臺晚居冢宰自丁親艱外皆在仕途之日所
謂達而在位得時行道而其詩文所造乃至是
焉非性能而篤好之尤者哉充節方謀以刻諸
梓且屬廉序之吾邑在宋仕至尚書而有文章
者二公黃公疇若雷公宜中間嘗於事文類聚
中見黃公所為禮部郎官廳記於縣乘中見雷

公所為水東驛記耳自餘詩文惜不多見豈當
特集刻傳之未廣或不幸兵燹無人以重刻與
二公之文自成一家而雷公師事清江張公洽
侍朱子緒論使其全集至今具在豈不足以廣
而鄉里後進矜式而又足以表見邑之多賢也
或曰師廬陵楊公士奇謂豫章之豐城為江右
文獻之邦二百年来熊天慵揭文安高文興學
著在天下豈知熊揭以上指不勝屈耶庶居常
觀斗間劒氣歟然遐思顧其力之未暇無能於
諸公之文使之散而復聚耳今充節北舉使異

時欲見先生之文者可以無恨而於一邑大有
關焉豈獨繫其私家之傳而已耶先生與先人
郡公為莫逆交明農以來月有燕集時鄉大夫
數公率大耋上下而先生既以高爵臨之而黃
亦莫先焉今也巋然達尊朝野搢紳士每過邑
人必問先生安否而先生方且左書右圖朝披
暮閱其壽與文之高吾不知其所至矣先生著
述有史狄其君立大建明有政事略皆已傳布
云

胡隱居夫婦榮壽序

武昌胡隱君本厚暨其配王當正德戊辰歲
並七十其子椿是歲登進士第於壽筵弘開之
時泥金帖至自京師於是士夫稱嘆以為其家
之盛事謂之榮壽作為歌詩以美之椿之來為
新昌也迎其父母以就養晨昏之禮未嘗以官
事或廢故能移孝以為忠雅親親之仁以及乎
一邑期年而新昌甚治邇者以才請奉當道檄
勾稽南昌郡八邑帑藏凡奇贏出納之際簿書
雖絕莫逃其明然卒歸于仁厚得大休其至于
邑事上之暇以榮壽序見屬焉蓋事之不常有

而適相值而其意寔欲以彰其親之訓耳疇昔
之歲椿以舉人家居私念明年春試而父母俱
七十復在明年欲留不行以為膝前之娛隱君
不許謂古人忘於孝之大者初不在是且曰子
得甲科而親當壽誕之辰不更榮乎椿不敢違
即日拜別明年果得甲科如隱君所期此事之
所以為異而隱君之所以勉其子者不當如是
乎予聞隱君業儒而隱於醫持其說以惠人不
少斲配亦甚有相道耄耄期頤理有可必壽
豈有涯耶矧有椿以為之子推恩貤封事

旦夕榮也詎止是耶雖然在人子之所以榮壽
其親是道也豈一言可盡哉自今於所謂移孝
為忠推親上之仁以及乎民益進上弗已焉則
庶幾矣此固椿之志也而士夫之望亦在于此
書以復之

半松詩集序

前翰林檢討 王府右長史范君廷和既卒其
子某持其所為詩一編謁予曰先人疾革時
某以著述泣而請命徐願謂曰吾文不逮詩
詩不逮名弗存可也已而領之若此編者願先

生其為之序庶後有知先人者語畢為之悽然
是忍不序也哉君資稟秀發七歲能為詩予生
後君八年當補邑校生君在邑校知名已久自
是歲試季課猶得與君相後先既而予持未成
之學以出而不謂君之入仕年已五十矣丙辰
之歲君以進士觀政兵部時北虜入貢廷議
將制其人馬多寡之數而難之不無依違兩可
君憤上草疏無慮數千言其間等國體料夷
情有人所不敢道與不能道者時本兵之地忌
人爭能遂深銜之君竟以此取困不得地以展

其才人多惜君而亦簿為之者之深中狹量也。然予益信君之學成仕晚而其識果超於人也。既而君得檢討輔導親藩方在輦轂下每聞朝政有闕即形論奏嘗以直言下詔獄上方優容言者卒寬釋之及陟長史以迂貴近竟免官君既歸鄉里予猶縻祿仕途僅有筆札相往還耳意者他日得追逐于山巔水涯之間尚可尋香山洛社遺事忽聞君且下世則後死者之落莫無望固其所也夫世之人豈無穹官峻爵勢位烜赫終始富貴者然選懦澁忍持祿

固寵隱情惜已自同寒蟬者往往而是豈足
道哉惟六居官事職不敢苟然見天下事稍不
如意如有物在喉不吐不已雖甚得禍有所不
避者斯男子也予於君見之笑一笑一時瓦全者未
嘗不竊笑君而抑豈知君之笑彼繡冷也哉君
平生為學不為甚苦而優游厭飲恒自充足蓋
未嘗見其窮年矻上終朝把卷正自該博為人
豪宕俊逸睥睨一世然流水行雲與物無競人
亦莫窺其皂白也君名兆祥號半松世居豐
城之上交大父再昌終宜興令鄉先輩決郎中

志靜嘗薦之父文盛有隱操號半古累贈至右
長史君學得之家庭其詩出之甚易率清麗圓
熟不犯斧鑿痕鈍根下品不敢仰視予非能詩
者輒加妄論如此其為文則有奏議一卷君在
時門人已為鋟之梓其併藏之後必有賞
音能取而一一評之者姑俟

泰和曾氏族譜序

泰和曾僉憲顯既修其家譜乃以手書遣其子
邑庠生繡徵予為序歲丁酉幸與僉憲連薦書
后十五年僉憲官滁陽予官金陵限一江耳是

時書郵往來稍密至今十七八年宦游參差則
麟鴻杳絕矣忽辱惠教若不知其從何而墜也
竊謂譜牒之學莫盛於魏晉夫既有所謂學必
有一種稽攷之法雖歷數百世可知也而予不
足以知此獨見近代歐蘇之譜往亡不苟而愚
樸之性尤好蘇譜以其世系不遠易得其真耳
今觀余憲之言曰曾氏在宋有曰崇朴自廬陵
徙泰和至應龍登咸淳進士元初弃官歸隱雲
亭蕩原山應龍之子福可以釋氏學受知元明
宗官至銀青光祿大夫司空其後不知所終族

人明道之子德寧復為應龍後更名祐可今
有八世皆祐可派也然則曾氏之源流可謂遠
矣夫人之有身皆自天地開闢以來傳至于今
非曾氏源流之獨遠也曾氏特知其源流之遠
耳知其源流之遠非由於子孫事詩書敦孝弟
奚以致是哉今曾氏又有吾僉憲以為之綱維
如此焉自是以徃傳之復數十世昭穆不紊有
如一日可也僉事滁陽之政甚佳即其修譜一
事則其為政有本可知矣况其所樹立有未艾
者乎昔程子論合族之道多端予嘗自宗法譜

諫外撮其為類有四宗會法一也吉凶嫁娶相
與為禮二也祭祀相及三也相為服四也請以
是為魯氏告或者於修譜亦未必無所助云

豐水會飲序

古禮飲酒當夫主之獻賓上之酢主及主之酬
賓計其所飲賓止一爵主僅二爵蓋賓於主酬
則不飲焉亦曰不盡人之歡不竭人之忠以全
交耳然其洗盥升降之儀拜起揖讓之節何其
繁也樂記所謂一獻之禮賓主百拜終日飲酒
而不得醉焉是也曰百拜者非真有百拜也為

言其多也且當其獻酬肅然無言至旅乃語其
后乃行無筭爵又其右賓出乃奏南陔鄭注云
陔之為言戒也終日煠飲酒罷以陔為節明無
失禮也古人飲酒防閑沉湎如此后世不然方
獻而語已嘏匕未旅而爵已無筭雖以司馬溫
公之平生好禮至為真率會亦曰主人不勸客
亦不辭自餘何望哉其則如晉人我醉欲眠如
唐人家家扶醉則南陔之戒其廢久矣於戲安
得及古人之時與之進退揖讓于其間如昌黎
韓氏所云哉予嘗欲于鄉里會飲之際依倣古

禮一二行之病猶未之能也。近日邑之會飲諸君欲予為序其事是會家兄在焉予嘗喜其為文字之交德業相勸過失相規徃徃有之而又何俟乎予之言哉獨于古人飲酒之禮惜其未有舉而行者使予不得一觀夫郁上之盛焉諸君其亦有意否乎禮者敬而已矣敬則為賢為聖皆不出此德業不勸而自勉過失不規而自無矣或謂古人獻酬之禮惟儀禮鄉飲酒為然他無所見正不知呂大臨有云鄉人凡有聚會皆當行此禮論語載鄉人飲酒亦指鄉人言之

即是而觀孰謂今之會飲不可行古鄉飲禮哉
諸君多隱者間有仕而歸者及輸粟為義官者
茲并其字行別號列于左而一以齒為序云

贈臨江吳太守序

吳君子旦以南京戶部郎中出守臨江纔期年
耳予制中少接遶官要人間有儒生一二自臨
江至者試問子旦之政則皆曰規模類兩漢循
吏有古意焉往年子旦嘗以其所為先許公潛
年譜見惠可謂考究精詳收采具備矣始予於
許公知其氣節而已至是則有以知其淵源於

伊洛蓋讀其上理宗封事於正學術一條所論
小程夫子傳弘甚的非其致力于此烏能然乎
公嘗以秘閣脩撰權江西轉運副使兼知隆興
府主管江西安撫司如 奏造鐵斛輸納諸

郡租稅寬恤人戶

奏罷進賢酒稅

奏停

催諸郡逋負

奏計弘納錢為無名之賦皆有

大惠於民惜郡中舊志并弘治新志並失登載
有以見編纂者之孤陋而去取之不公也況公
江西之政著在宋史視年譜特有詳略耳后之
修志豈果無秉直筆者哉隆興入 國朝復改

南昌與臨江隣郡也宋與今異代相望也子旦
其益修先許公之政哉即其四奏或亦此時之
不能盡無者事苟得由於已不必悉煩于宸
聰法惟取便於今奚必專泥乎古昔此固子旦
之所以蚤慕盡心焉而抑豈非予之所望哉異
日修臨江之志當有公是公非大書特書者矣
其益懋之哉鄉貢進士袁公珩過予復道子旦
之所以為臨江且言纂海宣城知子旦居家孝
友此其政之所本者因請予文以為贈故書此
以贈之

曹母呂孺人受封序

御史曹君汝學巡按江西之明年其母呂氏受
封為孺人蓋 聖天子孝奉 兩宮尊上徽號
復覃恩以及臣下凡仕于 京朝者咸得封贈
其親於是御史君之父諱綬乃有與子同官之
贈而孺人則膺此封號焉御史君喜甚以親之
受封伊川程子所謂事體又別者竊以先嚴見
背之早既增風水之悲而孺人隔在潤州里第
晨昏之闕不無將母之念間以語廉是固仁人
孝子之所不能自己者耳廉聞孺人年今五十

有一自其孀居以來凡十有八年于茲矣其所
以堅栢舟之節者雖在共姜無以過之至於篤
三遷之教求之孟母何多讓焉故能成就令子
為世鳳麟若御史君之臨吾江西也惠行如春
威行如秋良善為親奸惡為仇而其所以為之
本者清明峻潔表裏洞徹信乎稟賦充養之異
而致用設施之超於人哉孺人有子如是豈非
內教之明驗歟異時就養京師于宮益進母封
益加當慶賀 兩宮翟第以朝其為榮幸又何
如耶然則御史君復何致其力哉吾知其亦惟

以盡孝于親之所不逮與所不逮者以盡忠于
君而已矣念慈母之教早夜孳孳以師法孟氏
而已矣中於事君終於立身孝其在此而所以
慰將母之念而解風木之悲者又豈有加於是
哉廉因述御史君之意為文以為孺人受封賀
且以告其仲子倣其為伯氏時時道達于慈綵
之餘則為之仕者亦庶乎少安矣

贈蓮幙張君考績序

豐城百餘年來無將鼓之警豈非民勤稼穡士
務詩書而致然歟自李唐遷治至今無城郭之

得豈非后左江流前無山澤他寇無從而來亦
無從而止歟近年田野鄉村在在盜起焚燬屠
戮以至刼獄劫庫靡不有之又隣境相望莽為
盜區攻郡破邑視為常事邑人當此復日夜虞
他寇之至夫士習農業已不足恃而謂山谿之
險果足恃乎用是當道者如侍御曹公倣憲使
鄭公岳僉有築城之議而豐城則以蓮幙張君
為才而屬之焉而二公者復相與謂曰斯邑也
疲弊傷殘之餘時詘不可以舉廢也又縣治黑
子之地築城則壞廬舍遷居民民遭驅逐是盜

外又生一援矣且邇者詔旨諄諄無非惜民財恤民力而已此在臣下尤所當體者不若姑於往來要害之處門焉於是張君捧檄於旬月之間凡門二十三其門也亦如高城深池之門壯甚固甚箭樓女牆備甚值此充斥之時逾辰乃啓方申即扁昔也人情洶上今也賴以無恐真一邑之保障哉君滿六載當考績邑之待次官劉某楊某來徵予文以為之贈予於建門一事甚德君非予一人之私也是為通邑德君也遂為之言曰考績者考其所樹之功績也最

則陟殿則否。古今之通例也。今之居官惟取辦簿書期會以爲績。此目前事耳。何其近也。有如君之建門。門存則績存。門存於百年而績亦存於百年。何其遠也。君之績其大者如此。是以爲難矣。他而簿書期會。匪君不能。能之而不在所論也。要之績異者。庶亦異諸公方欲獎勵僚屬。以得其安靖地方之力。必有出格以薦君者。君屢有捕盜功。受諸司賞勞。非一建門之外。此其爲尤著者。因併及之。

贈員郎沈君序

政學無二道世俗嘗嚮望風曰迂及試之事果
若人言是豈古之名為儒者如是哉然予嘗觀
今之能善於政未有不善於學者也孰謂儒可
槩警耶寧州自唐宋以來為縣國朝因之近年
始陞為州州之中更歷二人焉二人者竊為蘇
君良貴繼為沈君景明良貴為政以嚴嚴而得
其宜沈君濟之以寬寬而得其宜譬之用藥焉
大承氣附子理中皆中一時之寒熱者也若二
人者豈非卓然良守哉我昔包孝肅歐陽文忠
先後知開封或嚴或寬各任所長然則古之人

川有行之者矣沈君嘗於前代名宦特修濂溪
書院作虛直堂以為退食之所此外作餘及軒
于虛直之左而聽事之堂則扁以平政焉曰餘
及取朱子語所以釋孔子仕優則學之義也曰
平政孟子言也曰虛直則周子之旨先之以無
欲為要而漸至於明通公溥者也其以取法於
名宦莫有或之先者故尤屢致其意如此即是
而觀則君之學非所以為政而君之政非所以
行其學乎君假守四年當道上其治行于朝
者數仁今者詔入為駕部員郎豈非公道之

有在歟將行予友袁進士伯仲徵文為贈予每
居鄉里輒嘆良守牧之難得聞道沈君事使人
嘆美不已沈君處之雲和人弘治乙丑進士距
其領薦凡十有四年乃登科信老成而練達者
也

贈銀臺李公序

近日朝政一新凡臺省侍從之臣向為權奸
擠排以去者次第收用若通政司左叅議李公
宗器其一也公之初貶鑄兩官出判饒州久之
量移得僉江西憲今則以原官召用矣戒行有

曰同寅諸公舉故事贈言而憲長鄭公汝華乃
屬之廉且曰公之子翰林編修夢弼同在擠排
中今亦復其舊矣夫自衣冠得禍以來以一郡
言之不知其幾以天下言之又不知其幾至於
一家父子俱於不免如李氏者殆亦無幾也然
以一家父子而率取迂於權奸則其家法家教
從可知矣嘗觀之歷代奸人用事則斥逐一番
君子引進一番小人正人用事則斥逐一番小
人引進一番君子唐之李德裕牛僧儒其黨相
為勝負宋之熙豐元祐邪正迭為消長可見要

之培植未幾而斲喪隨繼則國事亦漸去矣可不慎哉我

太祖高皇帝建宇宙以來所未有之功而聖
子神孫至于今上重光繼照固宜享

國億萬斯年之久然自正統以至于今中間歷
景泰天順成化弘治君子小人之勝負銷長廢
矣而國勢尊安若大山而四維之者寔由我
朝創業守成宏謨遠略高出唐宋萬仞也雖
然為臣子者當此之時豈可徒以拔茅乘時自
喜而於憂深思遠獨忽之哉在公固有以識此

矣公頃持憲有威望甚得體為一省計者又惜其去云

贈方伯麟洲楊公之雲南序

弘治間河決張秋 孝廟簡命都御史劉大夏治之繼而叅以太監李興平江伯陳銳時四明楊公為山東按察副使謂事權分而財力竭績用弗成上䟽極言乞取回興銳專任大夏且謂水陰氣也其應為宮闈為夷狄宜戒飭 后戚防禦邊患又謂臨河鎮守大監李興法當裁革行取畫工亦合停止 孝廟於公言雖從否居

半然心知其忠而與銳切齒誣公為妖言逮至
闕下繫錦衣獄臺諫交章論救得落職為長
沙同知由是天下皆知公之風節而直聲震一
時矣公居下僚益盡心民事久之以病歸臺諫
復交章薦公可用起為安慶知府又久之轉為
廣西右叅政年來奸人用事仇視讜直於公竟
勒停致仕當其時公家致仕者先後凡三人公
之從父大理公叅政公及公是已近者主上
總攬權綱奸人伏誅乃以江西左叅政復起公
下車月餘陞雲南布政尋轉左同寅胡公惟

峻屬廉為文以贈其行廉初聞公將至江西以
為吾省之人之福今又轉而之他豈非他省之
人之福耶豈非吾省之不幸而他省之幸耶然
公歷仕三朝近四十稔尚淹外藩古人積薪
之喻公之謂矣信於久屈之中此其時哉將見
公一柄用則為天下之福天下之幸以一省言
之雖不專以諸省言之則能咸矣河海潤于千
里固所望也公父尚書文懿公季父尚書碧川
公公皆受學焉一家自為師友最有淵源故公
發解南省並居魁選在長沙政暇則往來嶺麓

書院僞纂選思嘗於其間別構一閣以度書籍
榜曰尊經要非俗吏所尚亦非俗吏所知者忘
仁公字別號麟洲其家世在 本朝視唐柳氏
末韓氏殆不相上下云

艾岡劉氏族譜序

豐城艾岡劉氏之譜凡再修矣一修于永樂中
則諸節為之倡也今修于正德初則諸宗為之
倡也譜之世由艾岡以前始之以山岡以北頭
里所以尋其源也由艾岡以後聯之以曹城以
城頭山所以明其派也譜所以尊祖是宜有以

推其自譜所以收族是宜有以合其分夫祖吾身之一本也可厭遠乎哉族吾祖之萬殊也可厭繁乎哉然自艾岡言之其初則其六世彥昭居士一人耳至于今吉凶慶弔每集無慮五六百人何子孫之盛如此哉嘗聞程子有言程蘇之姓傳於天下者不蕃至於張王李趙雖其出不一要之其姓蕃衍亦受姓之祖其流之盛固有定分也然則艾岡劉氏之族其亦以其受姓之祖其流之盛固有定分歟然謂劉氏受姓之祖其流之盛則天下之劉皆張王李趙矣其有

不然者何也無亦艾岡之初祖其德澤之深長
所致也歟艾岡一派隱顯俱有人若諱全節秋
官諱華甫太守則顯而尤著者也自是聯芳趾
美世不乏人雖然近代作譜者有廬陵歐公有
眉山蘇公劉氏之族之盛豈無有頎頎二公者
出焉書此以俟

送謝明府之任沈丘序

上虞謝君文謨以戊辰進士假令豐城茲者改
任沈丘廉豐城人也自君來任守制家居蒙原
騶從者數矣承教者多矣於其別得無言乎第

并能言之人將何以達意耶矧君讀書多貫穿
經史古今事皆能記識不忘在於書者君豈有
不知而天下之事抑豈有出於書之外哉天下
之事既不出于書而書又無所不讀此庶之所
以難於為言也然君嘗與泉南蔡介夫遊介夫
論學必曰靜坐曰虛靜此固出入先儒之說而
其所以為此者豈無事哉然雖不為無事而亦
極不多事不過欲澄定此心耳心何物哉歛之
則不盈一掬放之事業則可以掀揭宇宙瀰滿
天地心何物哉朱子有言心雖主乎一身而實

不外乎一人之心。心可未加澄定之功乎？君之
官予當與論政，而乃論心者，以政不離乎學，學
不外乎心。讀書亦不過明此心爾予也。潦倒粗
疎，尚縻廩祿以走仕途，每遇一事，於持心甚覺
費力，亦歎相從於此學而媿未之能焉。因君以
憶吾介，大因介夫之舊說而借以爲君贈，不識
與君所聞於介夫者何如？予亦起官，逮業與沈
丘相去大約一江耳。書郵之往，復尚可以再論
也。惟君不惜以得之介夫與所以自得者爲我
言之。

鄭母魏孺人六十壽序

新喻尹鄭君信卿之母孺人魏氏今正德紀元
丙寅歲壽屆六十八月望日其初度也先期信
卿以書屬其二弟曰琮曰府學生珂必徵予文
為壽以表著其母之賢德於是珂偕信卿素所
厚善儀制主事王君資邁同造予寓而請焉信
卿兄弟為親資邁為友予尚何辭而況於發揚
令母之賢德足以為世勸者哉予聞鄭之先浙
江平陽人魏之先山東昌邑人並自國初占
籍南都孺人甫笄歸鄭君景和歸二十二年而

景和謝世時信卿方成章餘猶呱也孺人惟以勤儉理其家撫其子以至有今日非賢而能之乎詩曰鬢彼兩髦實維我儀以見婦人之大節風化之所由係也又曰為絺為綌薄污薄幹以見莫大之業亦起於勤儉也然世固未有勤儉而不能守節未有守節而不能勤儉亦未有守節勤儉而不能興其家成其子也是理也古賢婦如敬姜輩皆能知之觀其民勞則思思則善心生之言可見後世而能此或多天資之暗合耳人徒知信卿學成於師友取進士為能官

至於終之克家珥之有志以脩伯兄之業以為
諸子自能力致而其中有此賢母守節勤儉以為
之內教者未必盡知之也家人之辭曰利女貞
信乎女之貞所以家之利也歟清要之擢在信
卿特匪朝伊夕 鸞章翟第寵與壽而並增於
孺人不卜而可知矣

揚文恪公文集卷二十

楊文恪公文集卷二十一

序

贈左布政使劉公陞右副都御史致仕序
古禮七十致仕未至七十而必於求去此急流
勇退者也後世士大夫功名之心盛又或溺於
富貴焉年至而留戀往亡有之求其急流勇退
者誠不多見也茲者左布政使劉公世熙年才
六十有二一旦上疏乞歸其鄉所謂急流勇退
非其人乎公疏若曰臣以成化乙未進士歷主
事員外郎於南京歷僉事車副使廉使於川蜀湖

貴歷左右布政使於陝右及今江西凡七
官自入仕至今凡三十七年足跡將半天下矣
知得而不知止知進而不知退 陛下將焉用
之於是 上嘉其志 詔進都察院右副都御
史以致其事輿論賢之且榮之以為近時所未
有也故事有贈言適廉赴官過洪都廉使鄭公
汝華暨諸公咸以見屬鄭公謂與公周旋仕途
頗舊知公為按察官數興水利數平反大獄為
布政使慎出納以絕奸欺緩征科以蘇窮困以
至胥吏待次簿曆分明向之宿弊浮議無之頃

息又謂公宅心仁恕處事精明操履尤端表襮
不事每轉一官必久而後得鄭公素慎許可况
公江西之政皆廉所知者我昔韓退之送楊巨
源榮其為都少丑不絕其祿賢其能歸於其鄉
非如以官為家罷則無所於歸者比公陟內臺
之長以去視都少丑為何如公之先汴人南宋
時徙家建康六世祖號鍾山為元平江路權茶
提舉占籍長洲高祖德讓國初為沛縣教諭
曾祖仲輿以子鉉貴贈中書舍人世以學行相
承為姑蘇望族其視罷而僅有所歸與夫能歸

其鄉者又不是言矣公歸武雖揚巨源亦或讓焉至論急流勇退又巨源所無也

贈太守王君之任平涼序

三代而下稱治者漢唐而已漢之盛時有稱家給人足者唐之盛時有稱斗米三錢外戶不閉者自後鮮有及之予嘗推原其故每拜郡守刺史必親見問且曰與我共治者其惟二千石乎此漢之宣帝也重親民之任特疏郡守之名于屏俯仰觀焉此唐之太宗也惟如此此所以州郡多循吏而天下皆治安也 國朝於郡守之

職四五十年来非 京朝官非科道非部屬
不輕以授科道非歷任之乂部屬非積官至卽
中不輕以授視漢唐之重郡守果有以異乎然
則儷美漢唐之治豈不有望於今日乎否則為
之郡守者其上負 天子不亦甚乎王君天章
起家進士近擢平涼守蓋君以南京刑部廣東
司郎中乃有是 命豈非以不輕授者而授之
乎予每家居聞田野之間憮舒休戚一係於守
令故每私論天下之治未始不以守令為急自
王君之擢也予竊聽焉其同官於部若魏君喬

儀則曰王君其稱哉同官於同若胡君重器吳
君德翼又皆曰王君其稱哉予因三君之言而
得其為人矣異時平涼之民有不家給人足與
夫外戶不閉如漢唐盛時者乎近歲民窮盜起
動連數郡朝廷收重郡守之如茲於王君之
行卜之

戊辰同年序齒錄序

進士登科有錄其所從來遠矣同年序齒有錄
其昉于近時乎登科錄公錄也序齒錄私錄也
私錄以齒則公錄以爵可知矣有一甲二甲三

甲之名有六品七品八品之列豈非公錄以爵
乎年苟未矣雖甲第在前必置之後也苟長矣
雖品級在後必置之前也豈非私錄以齒乎要
之齒德爵三者不能以偏廢也朝廷以爵矣而
七十杖于國八十杖于朝九十天子有問焉則
就其室齒何嘗不論乎鄉黨以齒矣而一命齒
于鄉屏命齒于旂三命不齒爵何嘗不論乎今
訖公錄而觀之年之多寡載焉生之月日載焉
齒亦寓乎其中也一就私錄而觀之受職之隆殺
載焉歷任之遷轉可載焉爵亦寓乎其中也若德

則貫乎二者之間者也是三者有二其三者焉
有三其三者焉二其三則無無德之爵無無德
之齒三其三則爵自爵齒自齒而德自德矣世
大治則二其三大不治則三其三小康則二其
三多而三其三少不治則二其三少而三其三
多識者於此可以觀否泰升降之由矣正德戊
辰進士寔今上龍飛第一科也當既醉堯鷺
之盛值青莪擢擢之時所謂二其三者殆無忝
焉於是汝濟乃集為同年序齒錄刻之以傳而
周君天成甘君欽來屬櫟為序夫是科既為得

人之盛矣又豈不足為朝廷賀耶雖然謂之同年不徒取於科第之同而已廉知諸君脩身必同道而相益事君必同道而相濟達則師近代之韓范上前爭論下殿不失和氣師君實景仁自期於同傳否則師二程橫渠師晦翁南軒相與講明乎此學予以化今而傳後焉斯為君子大同之道若昵昵焉以私其同年則國家何賴哉世道何賴哉

大司徒質菴韓先生壽序

曩者權奸用事大司徒質菴韓先生憤憤草疏

率迂臣伏 闕論之欲置之法未幾權奸愈肆
迂臣一綱打盡无切齒於先生故先生始而勒
停中而被逮終而權奸伏誅乃 詔復原官以
致其事夫小人之讐君子方其凶燄熏天何所
不至而况於无所切齒者哉然卒不敢毛髮加
害者豈非先生一代偉人名重朝野所謂鼎鑪
亦有耳乎東坡蘇氏嘗謂人之不畏虎者虎不
能噬以其氣足以盖之先生剛大之氣浩如江
河屹如山嶽何物虫蛆而敢犯之今也享其富
貴榮名于桑榆之景壽亦七十有二矣一日黃

門毛君用成王君如臯謂天下之人引領先生之起未嘗一日而忘蓋自其家居以來聞其體力之康健知慮之精明雖壯年之人有所不逮是皆得之寡欲以養心集義以養氣之所致宜有以致岡陵之祝以俟綸綍之徵將再見其柱石乎廊廟而雨露乎生靈也於是相與授簡於庶亦以解無似聳辱先生之愛耳考之宋富弼文彥博皆以高年在位史臣謂國家隆盛之時其大臣必有耆艾之福推其有餘是底當世信矣然則先生之壽益增而天下之人愈不

能釋者豈非亦以此哉我朝成化間若鹽山王公弘治間若三原王公亦以高年在位鹽山致仕之年八十有四三原再起之年亦七十餘矣先生西歸之後凡兩京臣僚論薦之章何止數十上聖天子方將用三原故事以起先生在先生義不當辭尚務展盡底蘊必至八十九十而後循鹽山故事功成而身退焉則先生之貴始塞而天下之望始副矣庶昨過浙適先生之子士賢判邵嘉興得致其起居之問至南京先生之子士奇來主刑部政未幾復領先生

惠答手札獎借末學尤為過當然則因二黃門
以祝先生之壽豈非所願哉非徒祝先生之壽
也祝先生之壽將以福乎斯世斯民也雖然豈
廉與二黃門之意哉天下之人之意也

贈王太守之任惠州府序

惠州在嶺表有謂古成之第進士張朱卿魁南
宮為南越倡其文物不下於他州者然此特昔
之惠州也非今之惠州也今之惠州第進士魁
南宮蓋不勝其多也他而民生之富物產之饒
盛雖與中州之大郡角尚未知其孰先而孰後

也是則今之惠州又不但如昔之惠州而已也
為是郡之守者不亦難其人乎邇者惠州守缺
吏部於王君子鋒疏名以請 御批可之王君
嘗為壯縣令其經理民事也極多 徵為大理
官其叅駁刑名也愈熟畀以中州之大郡號為
煩劇難治者使之尚未足以盡其底蘊而獨惠
州也乎哉王君將行與之同年登進士者羅侍
御子文以言見薦夫惠州為今日大郡復得有
治大郡之具如王君者以為之守將見循良之
政漸底于成言語文字之末於王君乎奚益雖

言為贈亦古之道也前代循吏史記傳五人
前漢書傳六人後漢書傳十二人唐以下未暇
數王君其以史漢諸人為師乎或謂漢多循吏
類由久任如文帝時居官者或長子孫或以官
為氏近代則不然然以本朝言之猶及見成
化弘治間郡守率滿九載而遷者不知近年間
之郡守視成化弘治間何如也又不知一二年
之郡守視前三四年間何如也廉謂郡守數易
之弊終當變而王君循良之政終當成

慶州守王公松洲六十壽序

歲乙丑今王大理疇時為舉人來從予游予每
公退無所往還越數日惟大理一至至則相對
靜坐或談經史一二移時別去越數日又復至
如此以為常於是知其椿庭松洲公棄廣安守
終母氏之養遂不復出者已六七載矣知公長
子縣令時亦為舉人且因大理之酬篤脩謹德
器早成知公之所以為教與世俗之所以為教
者異自此未嘗不懷公也今辛未之冬公壽六
十大理來告曰先生誠有意於家君願無靳一
言予因為之言曰夫終養李令伯之孝也四十

致仕錢若水之高也二者在公既已有焉是足以壽其名于天地間矣而又何羨於區區百年二萬六千日哉矧有大理輩以為之子子賢而親之名益壽與夫親賢而自壽其名謂不在公父子間乎予不佞請以是為壽

後湖志序

太祖高皇帝建都金陵藏天下黃冊于後湖至太宗文皇帝定都北平諸司廢務類多隨駕以北獨後湖之藏不動如故祖宗深謀遠慮灼見于此故都可遷而藏冊之所不可改不

然輦轂之下如順天畿輔之近如真保定之類何為而不之京師而必之南京乎蓋後湖之廣周遭四十里中突數洲斷岸千尺由是而庫于其上由是而冊于其間誠天造而地設者也其為圖籍萬年之計殆無踰于此矣給事趙君惟賢來蒞後湖謂湖中諸例甚多不有以集之將至於散亂而不可收磨滅而不可考矣乃極力搜羅加詮次焉既成以後湖志名其編復徵彙序之夫今制黃冊所載人丁事產二者其經也舊管新收開除實在四者其緯也事產

著田賦輕重之數源流于禹貢九州厥田九等
厥賦亦九等之法也人丁著戶口登耗之數權
輿于周禮三歲大比獻萬民之數于王之意也
然黃冊之田賦鄉有所分邑有所別殆不止于
舉九州而槩言之則密而詳矣黃冊必十年造
而民數無三歲之獻則簡而當矣豈非後出者
愈精乎庶弘治中濫職斯事自辛亥至癸丑日
月如流靡所逮白尸素之餘惟時于波光萬頃
之間 仰羨 本朝版籍既極其善而藏之又
極其善以為助此一事亦足以見其高出千古

矣然則茲志之成所係豈小哉趙君合州人正
德辛未進士傳臚在言路直諒持大體志凡五
卷詩文附錄一卷君之初意欲如司馬溫公編
通鑑例不收詩賦一主於嚴或謂是亦足以備
湖中故實欲務于博君雖不用以入正志然竟
收之蓋取中云

程子粹言重刊序

此程子粹言庶堂於今方伯張君克脩所見而
假歸以讀其後長姪敷領教邵武復以此書來
寄視前所見版缺多矣近者爲君天完再起爲

鄧武守政事之暇進庠校師生而語之曰學者
五經四書之外若周程張朱之書須接續讀去
蓋吾道之傳自羲軒以至堯舜自堯舜以至孔
子以至孟子自孟子以至於周程張朱四子之
書固當與五經四書並也郡中故有程子粹言
歷歲既久已非完書予將補而刻之如何師生
皆應曰願受教未幾而工畢君以書來屬廩為
之序竊謂 國家承平日久文教大興名山古
冢之藏復壁敝篋之有凡數百年未見之書往
往次第而出何其盛哉語云珠玉無脛而至者

以人好之也。庶於書籍亦云。然使於道無所發明。則有無等耳。初何關於輕重也哉。况於詖淫邪道紛然雜行。則其為害當不小矣。為淑人心端學術計者。固當有所取舍。通塞於其間也。此書伊川程子之書也。程子之書。自作有易傳。門人所記有語錄。而此則櫟括語錄而成之者也。取語錄與此書而比之。固有間矣。何者。語錄其口傳也。取易傳與語錄而比之。亦有間矣。何者。易傳其手筆也。然春秋成於孔子。而論語成於弟子。學者止讀春秋。而不讀論語。可乎。論語復

有註疏之類成於後人學者止讀本文而不讀
註疏可乎求程子之道於程子之書則於粹言
豈可缺哉葛君嘉惠之意其在是矣篇首舊有
南軒一序謂此書乃龜山變語錄而文之獨朱
子嘗謂胡明仲文伊川之語而成書凡五日而
舉世傳河南夫子書是也則又似指此書為言
矣今考之南軒集不見此序而朱子之說則朱
子之語錄在焉顧以質之葛君君上虞人弘治
丙辰進士嘗為御史論奸權得危禍茲作郡多
惠愛評之者謂寬而有制皆稱其官

慶徐母詹孺人壽序

給舍徐君可大之母詹孺人今正德甲戌壽登六袞首夏之月再旬之二日其初度也可大之尊人蒙齋公去世已久到官之初即迎孺人以就養茲者來自南都復命闕下以稱慶期逼亟於旋輟相見旅邸語予以其意且備道孺人之賢為徐門女中之師予自識可大見其趨向之正涵養之深其毅然者不可得而親其溫然者不可得而踈實竊異之今聞其母之賢其果有所自哉乃次第其語效三百篇體為之詩以

歌祝頌之意云

文婦之德一於靜專言咲不聞今亦有然有如孺人孰曰匪賢

妻於庶士皆衣其夫為締為綌不憚其劬徐母之賢近世或無

夫君見背依依諸兒總角幾何突而弁兮以育以婚卓哉母儀

歆知母教請觀其子黃門阜囊言直如矢世無滂母伊誰可擬

儉德隱士危言諄臣令妻壽母寔維孺人遐筭

無疆奚止百齡

女德五章章六句

鄉飲酒禮序

庶讀儀禮鄉飲酒篇因託伊川程夫子之言曰
不席地而倚卓不手飯而匕箸皆聖人隨時之
義以是知古不必深泥也乃僭求其不大戾者
而擬議焉第不知好禮之士以為何如耳

慶栗齋羅先生八十壽詩序

鄉邦有大耋之老而其德行道藝出處語嘿皆
足為人師法則所以景仰而羨慕之者為何如

也若泰和栗齋羅先生其人也歲之首夏初吉
寔先生八十壽辰同省縉紳之在南都者各為
詩以賀之靡不為詩而為詩之序承衆委也先
主蚤以家學擢鄉科領教事回翔侯泮有胡瑗
經義治事齋之風持文衡網羅秀傑有陸贄龍
虎榜之譽進教國子有韓愈業精于勤行成于
思之功年始六十以三子者若孟少宰仲憲副
李銀臺之長相繼登科入仕遂解組而歸初以
孟封史官再以季封銀臺之貳天下之人聞而
榮之且高之先生平居言若不出口身若不勝

衣未嘗失色於人如懦怯然至於義之不可雖
萬夫之勇不能奪也盖有德有學其為教自家
而國以身不以言所謂德行道藝出處語默足
為師法非歟然則今日之所以相率而賀之者
寔景仰羨慕之心因是以發有不能已耳此諸詩
之意也嘗攷之唐香山九老年八十以上者五
人七十以上者四人今先生之年如此鄉之林
下豈無相邀以續香山故事者爵姑未論若齒
與德當不在白傳諸人後後之視今不猶今之
視昔哉併以及之又諸詩言外意也

楊文恪公文集卷二十